



REPUBLIKA E KOSOVËS/REPUBLIKA KOSOVA

GJYKATA THEMELORE PRIZREN

Numri i lëndës: 2023:225977
Datë: 29.02.2024
Numri i dokumentit: 05395967

C.nr.3296/23

GJYKATA THEMELORE NË PRIZREN- Departamenti i Përgjithshëm, gjyqtari Shaban Shala, me bashkëpunëtoren juridike V.D. në çështjen juridike të paditëses G.B. nga Prizreni, të cilën me autorizim e përfaqëson av. B.K. nga Prizreni, kundër të paditurës M.A.Sh., me seli në Prishtinë për shkak të kompensimit të ushqimit- shujtave ditore, me vlerë të kontestit 436,00 €, pas dhënies së përgjigjes në padi, me datën 29.02.2024 morri këtë:

A K T G J Y K I M
(Pa shqyrtim kryesor)

APROVOHET si e bazuar kërkesëpadia e paditëses **G.B. nga Prizreni** dhe **DETYROHET** e paditura M.A.Sh., me seli në Prishtinë, që në emër të kompensimit të shpenzimeve për ushqim ditor-shujtave për vitin 2022, t'ia paguaj paditëses për 218 ditë pune brenda vitit 2022 shumën prej **436,00 €** (katërqind e e tridhjetë e gjashtë euro), me kamatë ligjore prej 8 % nga dita e paraqitjes së padisë (24.10.2023) e gjerë në pagesën definitive, në afatin prej 7 ditëve nga dita e marrjes së këtij aktgjykimi nën kërcënim të përmbarimit të dhunshëm.

II. DETYROHET e paditura që t'ia paguajë paditëses shpenzimet procedurale dhe atë në lartësi prej 124,00 € në afat prej 7 ditësh pas ditës së pranimit të këtij aktgjykimi, nën kërcënim të përmbarimit me dhunë.

A r s y e t i m

Paditësja G.B. nga Prizreni, të cilën me autorizim e përfaqëson av.B.K. nga Prizreni, në këtë gjykatë ka parashtruar padi kundër të paditurës M.A.Sh., me seli në Prishtinë, për kompensimin e shujtave - ushqimit gjatë punës, me vlerë të kontestit 436,00 €.

E paditura duke vepruar sipas aktvendimit të gjykatës, më datë 20.02.2024 ka dorëzuar në gjykatë përgjigjen në padi me anë të së cilës e ka kundërshtuar në parim padinë dhe kërkesë padinë me arsyetim të mungesës së mjeteve buxhetore ngase Ministria e Financave nuk ka kod të posaqëm buxhetor për këtë kategori të shpenzimeve dhe nga mos shterja e mjeteve juridike në procedurën administrative pranë organeve administrative.

Paditësja padisë i'a ka bashkangjitur provat materiale si në vijim: kërkesën për pagimin e kompensimit dt.12.11.2023, dhe vërtetimin për ditët e pranisë në punë për paditësen gjatë vitit 202 të lëshuar nga Qendra Burimore për Mësim dhe Këshillim "Nënë Tereza" në Prizren me numër 70 të datës 30.03.2023 dhe autorizimin.

Nga provat e administruara më lartë nuk është kontestues fakti se paditësja është në marrëdhënie pune tek e paditura Qendra Burimore për Mësim dhe Këshillim "Nëna Tereza" në Prizren, por mbetet kontestues fakti se paditëses a i takon kompensimi për ushqimin ditor, për të cilën çështje gjykata ka vendosur si në dispozitiv të këtij aktgjykimi duke aprovuar kërkesëpadinë e paditëses si të bazuar për shkak se kjo kërkesë e paditëses është e rregulluar me dispozitat e Kontratës Kolektive të Arsimit nr. 01/B-105 të dt.22.01.2021 konkretisht me nenin 35.7 i cili rregullon të drejtën për shujtje-ushqim ditor për ditët e kaluara në punë, në rastet kur punëdhënësi nuk e ka organizuar ushqimin në punë sikurse në rastin konkret.

Duke u bazuar në këto dispozita materiale të cilat përcaktojnë këto të drejta dhe detyrime për palët ndërgjyqjese dhe gjendjen faktike të vërtetuar, se paditësja është në marrëdhënie pune tek e paditura, gjykata ka vendosur si në dispozitiv të këtij aktgjykimi duke aprovuar kërkesë padinë e paditëses, ashtu që e detyroi të paditurën që paditëses t'ia kompensojë ushqimin ditor në shumën më detalisht të vendosur sikurse në dispozitiv të këtij aktgjykimi duke llogaritur një ditë pune nga 2 € për shkak se nga provat materiale konkretisht vërtetimi i lëshuara nga vet e paditura vërtetohet fakti se paditësja ka 218 ditë pune tek e paditura dhe për këto ditë pune i takon shpërblimi i ushqimit ditor (shujtës).

Gjykata lidhur me kamatën ka vendosur si në dispozitivit të aktgjykimit, duke u bazuar në dispozitat e nenit 378 dhe 382 të LMD-së dhe në Mendimin Juridik për Kamatën të Gjykatës Supreme të Kosovës nr.265/2020 të datës 02.12.2020, pasi që në rastin konkret pala e paditur është vonuar në përmbushjen e obligimit ndaj palës paditëse, ku gjykata ka pranuar si moment të fillimit të llogaritjes së kamatës datën e paraqitjes së padisë në gjykatë duke llogaritur kamatën prej 8 % në vit.

Vendimi mbi shpenzimet procedurale bazohet në nenit 449, 452 dhe 453.1 të LPK-së, ku është obliguar pala e paditur që paditësve t'ia kompensojë shpenzimet e procedurës në shumën prej 124,00 € dhe atë në emër të përpilimit të padisë 104,00 € dhe në emër të taksës për padi 20 € bazuar në tarifën e OAK-së.

Nga të dhënat e paraqitura më lartë dhe duke u bazuar në nenin 143 dhe 398 të LPK-së, gjykata vendosi si në dispozitiv të këtij aktgjykimi.

GJYKATA THEMELORE NË PRIZREN
-Departamenti i përgjithshëm-
C.nr.3296/23, më datë 29.02.2024

Bashk. profesionale
Valmira Dakaj

Gjyqtari
Shaban Sh. Shala

UDHËZIME PËR ANKESË: kundër këtij aktgjykimi pala e pakënaqur ka të drejtë ankese në afat prej 7 ditësh, pas marrjes së të njëjtit, Gjykatës së Apelit në Prishtinë, nëpërmjet kësaj gjykatë.